

آبونه شرائطی

داخلی، خارجی هریر ایچون
سنه لکی (۲۵۰)، آتی آیلنی
(۱۳۰) غروشدر .

[نسخه سی . غروش ،
سنه لکی ۵۲ نسخه در .]
اداره خانه

باب عالی جاده سننه دائرة مخصوصه
اخطارات

آبونه بدلی پشیندر

مسلیکه موافق آثار مع المنونیه
قبول اولنور . درج ایدله بن
یازیلر اعاده اولونماز .

کتابخانه

دینی ، فلسفی ، علمی ، ادبی هفتعلق مجموعه اسلامیهدر

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد هاکف

والله یهدی لمن یشاء الی صراط مستقیم

ایدرده یا بدقارینه ندامت ایتمکی ، حقیقی توبه ایله حیات معصیتلرینه نهایت ویرمهکی خاطر لرینه بیله کتیر مزملر . آرتق بونلر آیت آیه ایله درجه عصیان و تمرد لری ایضاح و بیان بیوریلان قوم نوح ایله هم حال اولورلر . رب انی دعوت قومی لیللا و نه اراً فلم یزد هم دعائی الافرار و انی حکما دعوتهم لتغفر لهم جعلوا اصابعهم فی آذانهم واحدا و استکبروا استکبارا ثم انی دعوتهم جهاراً ثم انی اعلنت لهم واسررت لهم اسراراً فقلت استغفروا ربکم انه کان غفارا یرسل السماء علیکم مدراراً و یمدکم باموال و بنین و یجعل لکم جنات و یجعل لکم انهاراً . مالکم لاترجون لاه و قاراً و قد خلقکم اطواراً لم تروا کیف خلق الله سبع سموات طباقاً و جعل القمر فین نوراً و جعل الشمس سراجاً والله انبتکم من الارض نباتاً ثم یعیدکم و یخرجکم اخراجاً والله جعل لکم الارض بساطاً لتساکو منها سبلاً فجاء . قال نوح رب انهم عصوی و اتبعوا من لم یزده ماله و ولده الا خساراً و مکرو مکراً کباراً و قالوا لاتذرن الهتکم و لاتذرن وداً و لاسوا ما و لایفوت و یعوق و نسرا و قد اضلوا کثیراً و لاتزد الظالمین الا ضلالاً . ما خطیئاتهم اغرقوا فادخلوا ناراً فلم یجدوا لهم من دون الله انصاراً و قال نوح رب لاتذر علی الارض من الکافرین دیارا انک ان تذرهم یضلوا عبادک و لایدوا الا فاجراً کفاراً = یارب! قومی کیجهلی کوندوزلی حق یولنه چاغیردم . بن صدای دعوت او نلرک دها زیاده یا مدن قاجه لرندن بشقه بر نتیجه ویرمه دی . غفر انکه مظهر اولملری ایچون کندیلرینی حق یولنه دعوت ایتمدیجه یارمقلریله قولقلرینی طیقادیلر . کفر و معصیتده اصرار ، کبر و نخوتلرینی تریید ایتمدیلر . صکره اولملری جهراً دعوت ایتمدی ؛ یرینه کوره آچیقندن آچیغه ، یرینه کوره کیزلی کیزلی تلقینانده بولندم و دیدم که : الله ایمان ایدرک اونندن مغفرت طلب ایدیکنز . او مغفرت تا کریسیدر . ایمان و دخالت ایدرسه کز کوکدن سزه بول بول باران رحمت یاغیدریر ، اموال و بنین ایله امداد و معاونت ایدر ، سزهی باغچه لره ، ایرماقاره صاحب قیلار . الله سزهی طورندن طورده انتقال ایتمدیره رک یار آتمشکن نهدن اونی تجیل و توقیر ایتمک ایسته میورسکنز ؟ کور میور میسکنز که او نصل یدی قات کوک یار آتمش ، اونلرده کی آبی نور یعنی لطیف ضیائی ، کونشی سراج یعنی قوتلی و کسبکن شیعه لی یاپمشدر . سزهی الله یردن یتیرمشدر . بالاخره یرنه یرک آلتنه کوندردم جک . صکره تکرار بیوک بر قوت و قدرته میدانه چیقارم جقدر . کنیش کنیش یولاردن یورویوب کیتمه من ایچون یری دوشک کی دوز بر حاله قویانده الله در . بو قدر و عظمت و ارشاددن صکره نوح شونلری سولنکه مجبور اولدی : یارب ا قوم بنی دیکه مدیلر . مالک اولدینی مال و اولاد کنیدی دها زیاده شقاوت و خسارانه دوچار ایتمش اولانلره اویدیلر . بکا قارش بیوک بیوک مکروتزویر یوللرینه صابرق خلقه : معبودلریکنزی بر ائیکنز ، نه وده سواعدن ، نه ده یفوت ، یعوق و نسر ناملرنده کی صنم لریکنزدن و از کچمه بیکنز . دیکه قالدیلر . و بویله

سوزلرله بر چوق خلقک ضلالانده قلمسنه سبب اولدیلر . الهی ا بو حال و حرکتلرینه مقابل ظالم لره ضلاللرینی آرتیرمه دن بشقه بر شی یایمه . قوم نوح ایشته بو کی خطیئاتلرندن دولانی هب غرق ایدیله رک جهنم آتشنه آتیلدیلر ده الله قارش کندیلرینه یاردچی بوله مدیلر . ذاتاً نوح ده اثنای مناجاتنده شوپله دیمشده : یارب ا یر یوزنده کافر لردن بر فرد بر اقه . بر اقرسه ک قولرینک دوعری یولدن شاشمه لرینه سبب اولورلر . عالمه فاجر و کفر و معصیتده بی نظیر مخلوقلردن بشقه نسل و ذریت کتیر مزملر .

مترجمی : محمد شوکت
عبدالعزیز چاولیش

حقوق عائله و اصول محاکمات شرعیه

قرارنامه لری مقننه

حقوق عائله و اصول محاکمات شرعیه قرارنامه لری مقننه دارالفنونک ملغا الهیات شعبه سی حکمت تشریع مدرسی متبحرین علمادن محدث وفقیه شهیر صدر الدین افندی حضرتلری طرفندن اولجه قلمه آنوب حکومت سابقه جه نشرینه مساعده ایدیله بن لایحه بی کمال اهمیته منبی درج ایدیوروز . مسئله نک مجلس مبعوثانجه موضوع بحث اولدینی شو کونلرده ملت و کیلارینک بولایجه بی موضوعنک اهمیته متناسب بر صورتده تعقیب و تدقیق ایده جکاری قویاً مأمولدر .

حقوق عائله قرارنامه سی ، قومیسسیون مخصوصی طرفندن تنظیم ایدیلمش اولان اسباب موجه لایحه سیله برابر ، مطالعه اولوندی . تعلقنه منبی اصول محاکمه شرعیه قرارنامه سی ده کوزدن یکیریلدی . حقوق عائله قرارنامه سنک هیئت همومیه سی و روحنی تشکیل ایدن ماده لری ، امید اولوندیگی کی ، خلقک مصالح و منافعلرینه خادم ، حرف و عادات و آداب و اخلاق ملیه لرینه موافق دکل . تأمل اولوندقجه قواعد دینه منز ایله قابل تألیف اولیوب ، بناء علیه قانون اساسی یه ده مطابق اولمدینی ظاهر اولیور .

اهل اسلامه تعلق ایدن یوز اوج ماده نک قرقدن زیاده سی خطا آلود . بر تفصیل بیان اولونجه بی اوزره بر طاقملری شرح معلومه ، نصوصه ، اجماعه مخالف احکامی محتوی : مناسکاتک برنجی بانک فصلی نانیسیله آکا متعلق اولان ۵۲ نجی ماده سی و مفارقاتک ۱۳۰ نجی ماده سی ، ۷۵ نجی ماده ایله مفسر اولان ۱۹ نجی ماده نک فقره اخیره سی کی . بعضلری ده قیمت شرعیه دن عاری قانون شکنه وضع اولونمش ، اضرار ناسی مؤدی : ۳۳ ، ۳۷ ، ۱۱۰ نجی ماده لر کی . بر چوغی ده مسائل اختلافیه دن . لکن ادله سنه نظر ایله طریقی شرعیسیله ترجیح اولونمش اقوال دکل . و اکثریسی نادر الوقوع اولان اموره متعلق . قبوللرنده ناس ایچسون اولیله فائده مأمول دکل . بالعکس منافعلرینی اخلال ایده جک ، قیود و شروطی ترک اولونورق آلیتمش اقوال و شرعاً جمعی جائز اولمان قوللره استناد ایتمیش ماده لرده وار .

دقت اولونق الزمدر . بریسی ترك واهال اولونهرق آلپرسه مسئله
دكشیر . او قول آرتق مجتهد قولى دكادر .

ادله شرعیه تفصیله مساعد اولماقوله ائمه كرامك مطلق وغير
متجزی اولان قوللری كیفی تقسیمات ایله اورته لرندن بولمك ، هر بری
وقواتك برقسمنه تخصیص ایتك ، یكدیكرینك ضدی اولوب بریسك
عندالله خطا اولدیغی متیقن اولان ایكى قولله بویله معاً امر ایتك ادله
واقوال ائمهك جیمعا خلافتی التزام اولور ، كه البته مشروع اوله ماز ،
اجماعاً باطلدر .

مرور زمانكده بو بابده برتأثیرى اوله ماز . مكر كه او مجتهدلرك
فتوالری تغیر ازمان ایله تغیر ایتك اولان حادثاته متعلق وزمانلر ایله
مقید اولسون . نتهكیم امام اعظم رحمه الله تعالى زماننده خانه لرك
اوطه لری یكدیكرینه مطابق انشا ایدیلر اولدیغندن بریسنی رؤیت
ایتمیله مشترینك خیاری ساقط اوله جغه افتا بیورمش و آنك زمانندن
سكوره عادت دكیشوب اوطه لرك مختلف صورتلرده بنا اولونمسی
معروف اولدیغندن امامین رحمه الله علیهما بری كورمك كفیایت ایتمز .
دیشلر و جیمعا فتوالرنده اصابت ایشلردر . چونكه ویردكارى حكملر
یكدیكرینه مخالف دكل ، هب زمانلرینه مخصوص و ایكى زمانده كى
حادثه لرك نوع و ماهیتلری مختلفدر . عینی حادثه كی ظن ایدیلر اولملری

آنحق آنلری تصویر ایدن سؤاللرك هر بری زماننده كى عرف و عادت
كوزره و آكا بناء صورت مطلقه ده ایراد اولنوب معنای عرفیلری
دكیشدیكى حالده لفظاً متحد اولمزلرندن ناشی اولدیغی آشكاردر . مجله ده
« ازمانك تغیرله احكامك تغیری انكار اولونماز . » دنیلمسیده آنحق
بومعنايه اولدیغی مضبوطه سنده مضرخ اولوب ذكر اولنسان مثالله ده
ایضاح و بیان ایدلشدر . احكام شرعیه ك قابل تغیر اولوب فتوا ده كى
حكملرك تغیری مختلف حادثه لره متعلق اولدقلرندن ایلری كدیكى ،
هب سؤاله كوره قوی ویرلش اولمقندن عبارت ایدوكی كوسترلمشدر .

بونكله برابر منتسین حقوقدن بعضیلری مجله ده كى او جمله یه اغترار ایله
اصل و معناسی آكلامدقلرندن حل و حرمت تغیر ایدر ظن ایدیورلر .
زمان سعادتده نسخ اولونمیان احكام شرعیه ك الی يوم القیامه باقی
اولدیغی ضرورات دینه دن اوله رق معلوم اولدیغندن غفلت ایدرك ارباب
سلطنت و حكومت زمان كچكجه آنلری كیف مایشاء تغیر و تبدیل
ایده بیلرلر ، عقللریله تسبب ایتدكارى شروطی علاوه یه و ایستدكارى
قیدك رفغه صلاحیتلری واردر ، ذهانبده بولونیورلر . لایحه ده
« ولی الامر ك امور مباحده حق تصرفی مسلماننددر . » دینه لرك
بعدد زوجاتك منهی بیله جائز اوله جغندن بحث اولونمسی قومیسون
هیئتكده بویله دوشونمش اولدقلری كوستریور . حال بوكه پك
یاكلش . شریعتده اولمای امورك اهل خلافت و حكومتك حقوق
ووظائفاریه آنلرك آرا و تدابیرینه احاله و تفویض اولنسان ابواب
و فصول كثیره بانواعها معین و معلوم اولوب زیاده یی قابل اولدیغی

قرارنامه یی تنظیم ایدركن قومیسون هیئتك طوطدقلری مسلكده
خطا ایتك اولدقلری آكلاشیلور . اسباب موجب لایحه سنك عبارات
صریحه سنندن مستبان اوله جنى اوزره ایجابات مدینه دن عد اولونهرق
آكا بناء ترتیب اولونان قانونلر بر كرده اقوال فقهایه نظر اولونوب
بعضلرینه استناد ایتدیریلرسه آرتیق مشروعیت اكتساب ایدر بونكله
وظیفه دینه ایفا ایدیلش اولور . . . ظن اولونمش . بوایسه غلطدر .
چونكه احكام شرعیه ایكنجهی درجه یه بر اقیلمش اولور . حال بوكه
برنجی درجه ده ولداتها ملتزم اولمسی ، محضاً ادله شرعیه ك مدلولی
كتاب الله و سنت نبویه ك مفادی اولدقلرندن طولایى اخذ و قبول
ایدیللری دین اسلامك اساسندن اوله رق مطلوبدر . « فلا وربك لا
یؤمنون حتی یحكموك فیما شجر بینهم ثم لا یجدوا فی انفسهم حرجاً مما
قضیت ویسلموا تسلیاً . » آیت جلیله سی بوبابده نص قاطعدر . بر قضیه یی
احكام الهیه دن اولدیغندن طولایى تسلیم و قبول ایتك باشقه ، ایجابات
مدینه در ، یا خود مصلحت ناسه ارفقدر ، دینه رك تحسین و تصویب
ایدوبده آكا موافق اولان قولى اختیار و تشریح ایدلم دیمك
باشقه در .

اوت ، هر مستقل اولان دولت حق تشریحی حازدر . ایسته دیکى
دین و شریعتی دیله دیکى قانونی قبول ، یا خود تنظیم ایدر . باشقه لری
آكا مداخله ایدمز . لکن بر دینی قبول ایتك اولان حكومتك
تشریح ایدمجه كی قوانینكده او دین و شریعتك احكامی دائر سننده ،
آنك اصول و قواعدی اوزره وضع اولونمسی لازم كایر . نزد فقهایه
بر قولك مصلحت ناسه ارفق اولمسی ده اسباب ترجیح دندر . لکن
منصوص و مجمع علیه اولان مواضعده دكل . آنحق مجتهدیه اولان
امورده اقیسه فقهایه ك متعارض اولوب وجه آخرله ترجیح ممكن
اولدیغی مسائله اولور .

طریقت مسلوكه دینه دن اولان جماعت ائمه ك قول مشهورندن
عدول ایله ادله شرعیه یه نظر ایتكمزین غرائب اقوالی ترجیح
ایتك ؛ اقوال ائمه یه نظر ایله ترجیح ایدركن اولبابده كى ادله شرعیه
و نصوص و آثار و اقوال نبویه یی ترك و اهل و اطراح ایتك جائز
اولدیغی ضروریات دینه دن اوله رق معلوم و مجمع علیهدر . مجتهدده بعضاً
خطا ایدر ؛ موضع نصده اجتهاد ایتك ، نص كندیسنه بالغ اولمامش
اولور . كندیسی بوبابده معذوردر . لکن دلیل ظاهر اولدقلرندن صوكره
آنی تقلید ایتك جائز اولماز و آنك بو خطاسیه مسئله اجتهادیات
منزله سننه ایتمز . خلافتی اختلافدن معدود اوله ماز . ارباب سلطنت
و حكومت آنكله عمل اولمسی امر ایلوب حاكیم موجبجه حكم
ایتسه لرده او حكملر شرعاً صحیح و نافذ اولماز .

بر قول ایله اخذ و امر اولونه بیلمك ایچون اول امرده آنك
حقیقه موضع اجتهاد اولان بر مسئله یه دائر اولمسی شرطدر و بوشرطك
محققندن صوكرده او قول و مذهبده مراعی اولان قیود و شروطه

فقیهده کوسترین وعد و انجام اصلنه ، قانونک بیان ایلیکی قاعده مساواته مراعات اولونمسنده قالیر . یوقسه اهل اسلامک معاملاتنه و باخصوص الک نازک مسائل دینیهدن نکاح و طلاقه دائر اولان احکام شرعیهدنک احداث قوانینله بالاختیار تغییرینه و بر حرفتک بیله تبدیله مساع شرعی اولدینی یار و انیارک معلومیدر .

بناء علیه اورویا دولترنجده بو خصوصه رعایت ایدیلمکده اولوب اهل اسلام آرلرنده بومثللو مسائل دینییه دائر تکون ایدن دعاویهدن فصل ورؤیتی مقتلرینه و مقتیلری طرفلرندن نصب اولنان قاضیلرینه ترک ایلمش و احکام شرعیه ایله عمل اولوب وجه آخرله تعرض اولونامسی طرف دوات علیهدن ممکن اولان عهدنامه لرهده ادخال وسالک اولدقلمی مذهب حنفی خارجنده مکلف طوتولمالری دخی درج اولونمشدر .

نص محکم ایله حلال اولان جمع زوجاتک منع و تحریمی ممکن اوله جنسی ادعا ایتمک و آرلرنده عدل و تسویه تک مطلوب اولان مقداری « ولن تستطیعوا ان تعدلوا بین النساء ولو حرصتم فلا تمیلوا کل المیل قنذروها کالمعلقة » آیت کریمه سینه بیان بیوریلوب امر قلبیه منحصر اولمیان فضله سی عفو و اسقاط اولمش ایکن خلافتی التزام ایتمک و هیچ بر زمان ممکن اولمیان درجه سنه هر زمان ممکن اولانیه قاریشدیروب غیمندی متعسر و بلکه متعذر اولدی دیمک ، ازدواجک صحت و تمامندن سوکره زوج اوزرینه ترتب ایدن بر وظیفه دینییه نکاحک شرط جوازی صورته افراغ ایتمک ، الی قیام الساعه باقی اولان حل و صحت حکمتک بقاسیچون علت جدیده تحریسنه دوشمک ، نکاح نان ایچون زوجة اولانک موافقتنه باقلمایه جنسی کتاب و سنت متواتره ایله معلوم و جمع علیه اولدینی حالدیه یینه شرط ایتمش کبی نظر اعتباره آلوبده آندن سوکره بالدلاله رضاسنی ادعا و حقیقتدن عاری اولان بو دعوا یی ده ۳۸ نجی مادهده کوسترین شرط مشوم مکروهک مختلفه فیه اولان هشته بنا ایتمک کبی احوالک یا قیشیرجهتی اولیوب اصول اسلام ایله قابل توفیق اولدینی مستغنی آزاده بیاندر .

لایحه مندرجاتنده اصابت یوق . بناء علیه قرارنامه تک روحنی تشکیل ایدن جهتلری بوزوق ، اکثر ابواب و فصولی بویوک خطالری مشتمل ، مقتضای مصلحت دنیلن ماده لری مصلحتدن خالی بولنیور . بتون بو خطالری برر برر بیان ایده جکزر .

صدرالدين

دینمز، دولتمز

— تصویر افکار رفیق متمدن —

دولت عثمانیه تک اصلاحاتیه مشغول اولمش فکرلر ، اصلاحاته

بدیهی در . نکاح خصوصنده کی تصرفلری ده ولی خاصلری بولونمیان قیزلری ولایت عامه لری حسییه تزویج ایتمک و امیرالمؤمنین عمر رضی الله عنهدن ابن ابی شیبهدنک مصنفده مرسله منقول و سرخسینک بسوطنده مذکور و مشروح اولان اثرندن ده مستبان اولدینی اوزره کقولرینی اختیار ایله کفو اولمیانلردن منع ایتمک کبی مصالحه مقصور اولدینی امر جلیدر .

امام مشارالیه زمانده بعضلرینک تسمیه و اعطا ایلمکده اولدقلمی مهرلرک کمیته استکثار ایله اسرافه عمل ایتمک منعه تشبث ایلمش اوزرینه بر صحابه جلیهدنک آکا :

— سنک قولکیمی ، یوقسه اللهمک کتابه می اتباع اولونه حق ؟ دییه خطاب ایتمک (وان اردتم استبدال زوج مکان زوج و آیتیم احدین قنطاراً فلا تأخذوا منه شیئاً) آیت کریمه سنی تلاوت ایلیوب منعه حق و صلاحی اولدینی تذاکر ایتمکده امام مشارالیه رضی الله تعالی عنه همان تصدیق ایله ذهول و خطاسنی اقرار و عزمنندن رجوع ایلیکی منبره حقیقه رق اعلان ایتمکی کتب صحیحهدن حدیثدهده اسانیدیه مضبوط و مشهوردر .

نص قرآنله حلال ایلمش اولان بر شیتک ، دکل ارباب حکومت و سلاطین ، یا خود خلفای راشدین ، وحی الهی ایله نسخ اولونمقجه پیغمبر ذیشان صلی الله علیه وسلم افندیز بیله کنیدیلکنندن آنک تحریم و منعه قادر اوله مایه جنسی ؛ دلیل شرعیسیله ثابت اولان اباحه و صحت حکمتک تبدیل و تغییر عیباد ایچون ممکن اولیه جنسی یینه ضرورات دینیهدن اوله رق معلوم اولان احکام متواتره دندر . « قل مایکون لی ان ابدله من تلقاء نفسی ان اتبع الا ما یوحی الی » نص جلیلی ده بو حکمی اعلان ایلمکده در .

مجله تک اوماده سی بر آیتک ، یا خود بر حدیثک ترجمه سی دکل ، بر مجتهد قولی قوتندهده دکلدر . بعض متأخرینک کلامندن فضله بر شی اولیوب مجرد مسائل فقیهده ضبطنه ، اقوال مجتهدینک فهمنه خادم اولوق اوزره ترتیب اولونان جمله لردن اولدینی هیات مجله مضبطه لرندهده تصریح ایلمش ، بالاده ذکر اولوندینی اوزره معناسنی ده مثالیه ایضاح ایتمک تغییر حقیقتده حادثه لرک اختلاف و تغییرینه راجع اولوب نفس قواعد و احکام شرعیهدنک قابل تغییر اولدینی اخطار و برنجی ماده سنک منتهدهده تأکید ایتمک قوانین مؤیده اولدقلمی تکرار بیان و ازبار ایلمشدر .

مجله تک او قاعده سی منطوقجه بو کون تغییر ازمان ایله تغییر ایتمش دینییه بیلوب ذکره شایان اولان احکام آنجق غیر مسلم و طنداشلریمزه تعلق ایدن بعض امورده منحصردر . آنلرک وطنده و حقوق و وظائفنده و امر حکومتده مشترک اولدقلمی تنظیماته دائر اولان خط هما یونله اعلان و قانون اساسی ایله تأیید اولوندیغندن آرتیق حقلرنده اهل ذمه مخصوص اولان احکامک قابل تطبیق اولنمسنده ، کتب عالیه